



21784

III Mag. St. Dr.

P

Thomas  
Thomae Ioan. Cant. Conclusio theo-  
logicae honor.

PANEG. et VITAE

Folm. Fol.

JE 1762



C

PA

Z

S. T.  
Ec

L  
V

S. T.  
legij  
Mon  
Hicr

M



# CONCLUSIO THEOLOGICVS HONOR,

Ex Præmissis

SAPIENTIA & MERITIS,  
*PERILLVSTRIS & Admodum REVERENDI DOMINI,*

**D. M. MATHIÆ  
ZIETKIEWICZ,**

S. Theol. LICENTIATI, ejusdemq; Controversiarum PROFESSORIS,  
Ecclesiarum Collegiatarum; S. FLORIANI ad Cracoviam DECANI,  
Curelovienſis SCHOLASTICI, Parochialis Zarnovecenſis PRÆ-  
POSITI, Contubernij Geloniani PROVVISORIS,

**I L L A T U S;**

*dum à*

*PERILLVSTRI & REVERENDISSIMO DOMINO,*

**D. M. MARTINO  
WALESZYNSKI,**

S. Th DOCTORE & Professore, ejusdemq; Facultatis DECANO, Col-  
legij Majoris Seniore Patre, Ecclesiarum; Cathedralis Crac: CANONICO,  
Montis S. GEORGIJ in Scepusio & Premykoviensis PRÆPOSITO Contubernij  
Hierosolymitani PROVVISORE, Canonizationis B. JOANNIS CANTIJ PROCURA-  
TORE, Librorum per Diœcesim Cracoviensem CENSORE, Studij Generalis  
Unversitatis Cracoviensis PROCANCELLARIO,

*Presente florentissima Magnorum Hospitum Corona,*

**S. Theologiæ DOCTOR,**

in Ecclesia Collegiata D. ANNÆ

*ritu solenni crearetur & renuntiaretur,*

**M. THOMA JOANNE CANTIO CZYRNICKI**

Philosophiæ Doctore & Professore,

*in forma devinctissimi obsequij*

**R E A S S U M P T U S.**

*Annò, quò*

*Magna Deò ConCessa tenax paX exle honoris.*

*Typis Collegij Majoris Universitatis Cracoviensis,*



21. 784 III

1732



# CONCLUSIO THEOLOGICVS HONOR,

ex Præmissis

## Sapientia & Meritis ILLATIVS.

Exeste minùs prudentes Philosophi,  
mirari non argumentari nati,  
vim & naturam syllogismi ignorantes,  
illegitimè Conclusiones formatis,  
qui Honorem aliunde non ex Sapientia & Meritis  
Præmissis infertis.

Submittit se aliquando suâ sponte Honor,  
hostis indolem præferre videtur,  
victas & vinctas porrigit manus, victorem tenet,  
mancipium se simulat, comprehensorem in compedes stimulat.  
Sanè Antæi sunt Honores, qui cadendo fortiores surgūt,  
& non unum defatigant Honorium,  
timendi se pro donis ferentes.

Omnino nescit Honor diu turpiter obsequi,  
ignis subterranei ingenium induit,  
qui inclinationis conscius rumpit repagula terræ,  
humile & abjectum pertæsus dominium.

Servit coronatis monstris Sardanapalis,  
sed nonnisi ad tempus,

ut in æternam servitutem abducatur,

qui velut scintilla latendo

rogum ei contumeliosum accendit,

malè ardentem flammis extingvit.

Novit extra Peripatam Sophismata,

ex appa-



ex apparentibus Præmissis velut colorata sistitur iris,  
majoris tempestatis quam malaciæ præstigiatrix.

Abeunt multis lac & sanguis in Præmissas,  
sed quam firmas, se ipsi testantur.

Scribunt privilegia pro Magistratibus,  
non semel erubescens, si minus idoneos inveniant Candidatos.

Sunt similia Præmissæ non inficior, sed probabiles,  
ex quibus certò Honores nequeunt deduci,

**Sola Sapientia & Merita cui adstipulantur,**  
apodicticum censenda argumentum.

Hæc prima & immediata principia sunt,  
notiora, communia, & causæ cujusq; Honoris.

Si vim roburq; alia habent,  
intuitu horum firma censenda :

*Misera est hereditas qua non fulcitur virtute.*

Ruunt graviori casu incunabula,  
si talibus non nituntur basibus,  
lacerantur infantiles Fasciæ,  
quæ non superponuntur similibus culcitris.

Fluentes lacrymæ in gemmas Regij  
non degenerant Diadematis,

sine speciali cooperatione virtutis,  
aut dum in sapientiæ non influunt mare.

Lentulus est quisq; ad Honorem,  
Celerinum nequaquam agere potest;  
cui virtus calcar non addit.

Testudo non Mercurius,  
si à Sapientia non mutuatur talaria.

Non maturescit Regni Pomum,  
sine incalescente Scholastico Phæbo.

**Apricantē serenō oculō nequit intueri Coronæ fulgorē,**  
qui ab eruditis non resilit fontibus,  
sit Ganimedes, Honoribus placere non potest,  
si iisdem non bene lotus.

**Ipsi Calculi tantum sine meritis valent,**  
quantum sine nummis,



nomina sine significationibus.  
Mutæ sunt quanquam stentoreæ voces,  
quæ non animantur virtute,  
dissonæ absq; hujus consonantia.  
Rumpuntur desideriorum vota, quæ Sapientiâ & Meritis  
non uniuntur:  
parum aut nihil valent, absq; hac inæstimabili unione.  
Verbô:  
admitto successionem, rationem Præmissarum habere,  
hîs prodromantibûs,  
Electionem non excludo,  
instantibûs meritis.  
Singulos dominij acquirendi amplector titulos,  
qui per has infallibiles probantur regulas.  
Regulenturne ipsîs cuncti Honores?  
alijs decidendum committo,  
Theologicum in medium adduco.  
Agit hic Principem inter Honores,  
Superarbiter est, à cujus arbitrio dependent,  
Primus sine secundo, ultimus sine primo;  
Theologicus est, solum scilicet respiciens DEVM,  
ideòq; solô minor Iove,  
Sapiensne sit & virtuosus?  
nulli dubiam trahit sententia mentem,  
qui Theologicum Honorem cerebrô summi Statoris natum,  
in Cælo educatum, terris manus Cæleste concessum novit.  
Sitne ex Meritis? in quæstionem non cadit,  
qui ipsi Iovi noluit sine vulnere nasci;  
quò altiùs hic cæteris præeminet,  
tantò profundius meritis se submittit.  
Iliadem in putamen nucis recondam:  
non novit Theologicum Honorem,  
qui Sapiensem, qui emeritum ignorat.  
Cognitionem à priori illius non licet aliter venari,  
nisi in Sapiëntiam & Merita eundem resolvendo.  
Differentiæ ipsius essentielles sunt,  
Genus proximum ne quæras:

nihil



nihil enim cum alijs commune habet.  
adæquata definitio sunt, definiti Theologici Honoris,  
ad convertentiam secum omnino dicuntur,  
sibiq; mutuò recipiuntur.

Quicquid hucusq; præmissum, locum majoris teneat,  
Tu in locum minoris succedis.

sed Meritis & Sapientiâ Maximus  
*Perillustis & Admodum Reverende Domine*

**D. M. MATHIA  
ZIETKIEWICZ,**

S. Th: Licentiate, ejusdemq; Controversia-  
rum Professor, Ecclesiarum Collegiatarum S. FLO-  
RIANI ad Crac: DECANE, &c. &c.

Factus es Sapientiæ & Meritorum nobilissimum  
Subjectum,

ideoq; & Theologicæ Laureæ Caput submittas,  
concessisti Præmissas, Conclusionem negare  
non potes.

studuisti enixâ curâ Virtuti, Sapientiæ & Meritis,  
Theologicum Honorem nescire non licet.

Duxisti gloriæ esse virtuosum, ergo & esse Theologum.  
fuisti diligens eorum studiosus,

Sis igitur & S. Th: MAGISTER.

Dimisit Te Schola Virtutum, Sapientiæ & Meritorum  
DOCTOREM,

nec Theologica suam Promotionem moratur,  
emenus es iter per Templum laboris,  
exitus non datur, nisi per fanum Honoris.

Iunguntur hæc sibi quodam indiviso nexu,  
quorum si unum admiseris, aliud excludere nefas,  
aureæ simillima catenæ.

Potest quidem alibi esse Sapiencia absq; Meritis,  
Theologo si unum ademeris,

aliud tantum valet, quantum materia sine forma.  
faciunt hæc divisa beatos,



IN TE DOCTOREM *mista fluunt, & collecta tenes.*

Castorem & Pollucem dixerim,

quorum unus post se trahit alium;

Præmissas tamen nominavi, quæ vinculum  
inter se servant,

& se vicissim consequuntur.

hæc quia in Te pulcherrimè adunâsti,  
etiam Theologicam Dignitatem non sejungas.

Quidquid enim à teneris eòusq; egisti,  
alterutrum ex his jure quodam sibi vendicat,  
Totam vitam Tuam ad Sapientiam & Merita

revocare liceat tanquam ad capita,

quorum quælibet actio membrum est,

suo non dissimile principio.

Obligatæ sunt Virtutes Tuæ Patriæ Terræ,

non minùs debet Theologicus Honor,

quæ Te idoneum ad Coronas fovit.

Ferax Virorum Academicorum Leopoliense solum,

ex quo plures hostis ignorantia victores prodire

quàm ex Trojano equo milites cataphracti in ruïnâ Ilij.

Non assentior Pòetæ.

*quòd non omnis fert omnia tellus*

extra Arabiæ colles evolant hinc nostri Pòetarum Phænices,  
citra Dominam Mundi fortes pro Lege & Rege certant Camilli

extra Ægypti Nilum sæcunda ingenia vigent:

& quanquam hæc non essent.

Tu unus pro mille sufficis,

tantumq; Tuæ Metropoli es decus,

quantum Macedoniæ Alexander.

Genere equidem hoc natus,

in quo qui non optimus prodiret, monstrum esset,

hac de Stirpe genitus,

ex qua *quemcunq; requireres certum est de Consule nasci,*

respondisti Tuo natali splendori,

Ipse moribùs non obscurus.

monstrâsti bonos ex bonis nasci,

*nec imbellem feroces progenerare Aquilas columbam,*

Roxolanum Leonem docuisti non posse parere Lepores

de cujus cubili dexter animis oculisq; ades.



Damnâsti Phæétontes ,  
qui cunabula solis inconsultâ temerârunt vitâ.  
Vix namq; in acie viventium stetisti,  
illico se Tibi opposuere virtutes,  
Tecum certare paratæ ,  
in quas dum contendisses, omnes invasisti,  
**Motus** cunarum Te eruditis velle videbatur invehere Cathedris,  
Incunabulorum vittæ ad Laureas tempora disponebant,  
**Annibal** utiq; adhuc teneram frontem contra Romam caperavit.  
Thebanides parvâ manu adultos dilaniabat colubros,  
Læneæ hydra jam sibi timere poterat.  
ex prænuntia vitæ Tuæ aurora,  
in auge Honorum apicaturus inferebaris Phæbus  
amæno flore feracem ominabaris autumnum.  
**Impulisti** communem omnium spem de Te conceptam,  
quæ adhuc in herba erat, ad maturitatem,  
cum ephebus factus votis cunctorum respondebas.  
nec indoles Tua par optimis aliud portendebat:  
acerbam ætatem dulcibus demulsisti acroamatibus,  
argutis condidisti salibus.  
Impuberes annos gravitate in pretio posuisti,  
effecisti comitate, ut pueritiæ suus deferretur honor,  
dum nihil puerile, præter ætatem habuisti.  
Omnium capax, si sola excipias vitia,  
quæ patrare, an magis propter annos, an ingenium ad optima  
natum non potueras: ad huc tunc temporis non erat compertum;  
post hac pro genij parte decidisti rectefactis.  
**Gressum**, quem movisti, semper de virtute in virtutem.  
arenam non aliam excitâsti puer, nisi Literariam,  
ludum Tibi aperuisti, sed Scholasticum,  
Elementa didicisti, Ipse Literarum alimentum futurus.  
Rudimentis non rudem expoliebas animum  
qui aureus cum fuerit, omnis eruditæ capacissimus calaturæ,  
**Confudisti** sedulâ diligentia Condiscipulorum segnitiam,  
Invitatas ad Te Musas non languide tractâsti,  
ut olim Pyrræneus:  
cujus periculô cautior  
nunquam fenestratam in Scholis passus es thecam,  
ne aliis instructæ avolarent, non amplius redituræ.



Te in apicem Scientiarum ente,  
 quis saltim serpere recusasset.  
 Omnibus mirari, raris Te imitari concessum.  
 Erant qui Te exprimere conabantur, non tamen superare,  
 sed tantum, quantum araneus bombycem,  
 aut Phæbe Fratrem, à quo lumen emendicat.  
 Non sic tam multos unus Miltiades excitavit Themistoclas,  
 ut Tu Pallados Athletas.  
 qui tentaverunt anteeuntis exempla permulti, æquaverunt perpauci.  
 Secuturis per ætates studiosis  
 Te ipsum dedisti & exemplum & miraculum.  
 Multorum Professorum Discipulus,  
 omnium exhaustisti Sapientiam:  
 nescitur an plura didiceris, an docueris.  
 Cum docendo lassarentur, Tu recreabaris discendo,  
 jocando percipiebas illa, quibûs tandem seriò uteris.  
 Extra Dodoneam sylvam aut Apollinis delubrum  
 ænigmatica edifferebas responsa.  
 Illustrasti Rhetores Rhetor:  
 ita tamen, ut proprio fallerentur sensu,  
 dum Oratorem exprimi posse docuisti;  
 qualem defenderant vix posse describi.  
 Subivisti naturæ viscera, prodidisti Philosophiæ arcana,  
 quemlibet ejus paragraphum impressisti Capiti,  
 omnem Conclusionem mente conclusisti,  
 unumquemq; Articulum promptissimè articulata recitasti voce.  
 Sanè humanas Artes planè Divinas effecisti.  
 Parva erat magnitudini animi Tui Metropolis,  
 Vastam mentem suâ amplitudine capere nequivit,  
 aliud Regnum cum Macedone quæсивisti;  
 invenisti Literarium, Teq; vicissim invenit,  
 quem nunc magnum rerum Academicarum Statorem veneratur.  
 Cinxit aurea tempora utrâq; Philosophicâ Laureâ,  
 quæ nunquam emarcida fuêre.  
 Numero laborantium adscripsit,  
 utpote non desidem Morphæum.  
 Disputantibus dum interfuisti,  
 lites de Te sæpius excitasti:  
 in varias abiverunt opiniones,

in fun-



in fundamentis tuæ eruditionis.

Alij suum cedebant campum,  
ut Te diutiùs audire possent.

Sive in superiori, sive inferiori philosophatus Lectorio,  
semper Tuò modò, hoc est optimè:

solusq; locus hos distinguebat Actus,  
non tempus successivum, cum quo cæteros sapere decet.

In dissimilibus Argumentis semper Tibi simillimus,  
sive probando sive opponendo,  
quæstioni afferebas lucem,

non ignorans *opposita penes se posita magis elucere.*

Objectiones solvendo nulli debitor extitisti.

Lectiones ex sorte accipiendo MATHIAS

ita ex Cathedra explanabas Professor;

ut nec ipse Philosophus meliùs;

ex textu mentem ejus genuinam,

quasi ex ungue Leonem cognovisti.

Ibas & in Oratorium suggestum non sine gradatione Rhetorica,

Loquebaris sine crimine Orator,

Te nullus sine crimine potuit audire:

equidem illico singuli cogebantur,

vel desperando vel invidendo peccare.

Attico melle in quonam dulcedinem non causâsti,

eruditâ salibûs sapidam reddidisti suadam,

verborum lepores nullus venari recusabat.

Pavisti aures humanas,

dubium tamen insolubile reliquisti:

an earum magis acuiisti, an mitigasti famem;

cum eas nunquam sine fame dimisisti.

Habes sufficiens dulcioris eloquij monumentum

Monumentum perennis gratitudinis

Celsissimo olim PRINCIPI,

Illustrissimo & Reverendissimo Domino,

D. STANISLAO

à SŁVPOW

SZEMBEEK,

C

DEI



DEI & Apollonicae Sedis Gratia  
**Archiepiscopo Gnesnensi,**  
Legato Nato, Regni Poloniae & M. D. L.  
Primatei Primoq; Principi &c.

Arte Oratoria erectum,  
de quo, Tua fama, quæ nunquam occubuerat, surrexit.  
Viret pariter Tua eruditio cum Palma  
Gloriæ immortalis

*Perillustri olim Clarissimi & Admodum Reverendi Domini,*

**D. M. ALBERTI  
JODŁOWSKI,**

U. J. Doctoris & Professoris, Ecclesiæ Col-  
legiatae SS. OO. CUSTODIS &c.

doctô Tuô Calamô adumbrata.  
Quæ Tui exasse Symbolum gerit,  
quòd sub pondere laborû Academicorum altius crevisti,  
non erigebas tamen cristam,  
arbor inversa multo doctrinæ onusta fructu ima petebas;  
maluisti bonis artibus ornare Caput,  
quàm struem Capillorum erigere;  
sub qua plerumq; mortua Sapientia creditur,  
dum tantus ei tumulus superponitur.  
Hæc Tua tantaq; decora resplenduere in Academico luco,  
seipsis digna oculis non aliô intermediô subintrabant  
aspectum Patrum,

omnium in se traxere amorem.

*Debet enim amari, qui cuncta odisse cupit,  
quæ alijs displicent.*

Myfantrophorum genus intolerabile damnasti,  
quibus nihil est bonum, nihil honestum:  
nisi quod ipsi egerint aut statuerint.  
Vitam Majorum Tibi pro regula statuisti,  
Mores Eorum ita in Te effinxisti,

ut



ut Tu in Illos, Illi in Te commigrâsse viderentur:  
anima utiq; ibi magis est, ubi amat, quàm ubi animat.

*Errat enim qui tritam Superiorum vestigiis deserit viam,  
callem, quò multi illiq; pessimi gradiuntur, eligit.  
non est attendenda multitudo, sed qualitas euntium,  
ut quâ eunt, ita & qui; bene perpendendum.*

Locutus es cum pluribus, sed cum paucis illisq; optimis sensisti.

Iussa Primatum Tibi fas capessere erat ut Divina,  
quos in loco DEI reveritus & veneratus.

Hâc cohærentia junxisti affectus,  
nec in eligendo Contubernij Hierosolymitani SENIORE divisi,  
cui præfectus, hæc pro munere egisti,  
quæ nisi optimi solent.

Commisos Tuæ curæ Alumnos sic rexisti,  
ut nemo meliùs.

temporis præcavebas jacturam,

quæ per negligentiam venit,

Tuâ sedulitate pretium inculcando.

Florem juventæ impellebas in profectum,

otium procul amandando,

ne illum marcescere faceret

adversam improborum reprimens Æoliam.

svaviter id, cum efficacia tamen persuasisti bonum,

hoc primam imitatus Causam:

indignum animo Tuo reputans

*per violentiam extorquere, quod benevolentia impetrari potest.*

Nôsti bene idem Juventuti ingenium esse, quod tenellis plantis,

quæ dum subito in rectum detorquentur, franguntur,

ingenuæ mentes duci volunt non trahi,

& quæ durantur ad aspera, mollibus obsequuntur.

Nec immerito,

*Melior est ars animis imperandi benevolentia,*

*plerumq; peragit tranquilla potestas, quod violenta nequit.*

Hæc prudentia etiam ab invidis non potuit non æstimari,

quos non vitium, sed Tua fecit virtus.

Collega Minor Vocatus,

qui esse meruisti.

Præmisisti Merita maxima,

Non mirare, quòd Collegiò Minorî coronentur.



In Tui favorem factum ,  
ut possent dignosci,  
Nanus utiq; penes Porphyriana melius visitur,  
Phæbus inter minora phenomena Principem agit,  
Colossus ad humiliores obeliscos eminet ,  
Cedrus in Libano si foret alijs similis ,  
pulvinaria Deorum non exornaret ,  
in focis fama ejus suffocaretur.  
Non diu Minor Domus Te maximum tenuit Incolam,  
Regio-Iagellonianum Contubernium Tux probatæ  
committitur institutioni ,  
Tuo Principi animo subditur, ut triumphet.  
Ditasti hoc eruditionis censu,  
ut jam Pauperum sit solò nomine tantum.  
Deterfisti tam ab intra, quàm ab extra ejus squalorem,  
læta facie prospicit Te quòcunq; ieris,  
didicitq; sub Te, qualem sibi optare debeat SENIOREM.  
Bursam non reddidisti sollicitudine vacuam,  
dum munus generalis, Vniversitatis Syndici obibas,  
tantâ industriâ, quantâ rarus simili.  
Efferebas res Academicas supra Acrocorynthum,  
publicam felicitatem Tuïs incommodis emendo.  
Manus dextra RECTORIS MAGNIFICI,  
nil tale egisti,  
quòd sinistrè opinari liceret,  
Omnia adamussim exequens,  
omnium laudem merebaris,  
quam à nemine non habuisti.  
Ardua negotiorum molimina activitate facilitasti,  
nullum erat tam obscurum ,  
quod Tuò solerti animò non penetrares,  
nil magnæ experientiæ invium,  
nulla causarum inaccessa Corynthus.  
Publicum interesse privato præposuisti,  
proprij oblitus commodi officium firmâ memoriâ tenendo.  
Boni communis amantissimus,  
Tui remisisti amorem,  
illud appretiando, hoc vilipendisti,



imo hoc paratus deferere, si illud in integro non fuisset,  
elementa imitatus:

quæ propter bonum universi suum negligunt.

Exorientia dubia an veriùs ænigmata sphynxis

Te acutiorem mox repererunt Oedipum.

Non egebas consiliis uti senis Priami,

ipse Confus, ipse Priamus imperiò dignus.

Limitasti Philosophorum doctrinam,

dum extra objectum professionis ferebaris,

& intra idem semper totus manebas,

multas laboris suscipiendo provincias,

quas cum gloria Gentis togatæ administrabas.

Juridicus Processus non erat extra spheram virtutis Tuæ,

instrumentum Principalis Agentis,

sufficientem præhabebas virtutem.

Alia arena alios postulat mores:

calamus eruditus agilitatem mentis,

Peripati Stoa Stagyritam,

bellum generosos furores,

pax mansuetos animos:

Tibi quodlibet Ministerium occasio virtutis,

sed non nisi honestum;

turpiter enim nunquam obsequi potes.

quodlibet onus, cui pares supponis lacertos, monstrat:

quid Tui valeant humeri, quòd nil ferre recusent.

Invenit pietas in DEUM inter tantas curas locum,

& quidem primum,

non antevertisti eam, quæ in fronte ponenda,

prius reddidisti DEO, quæ sunt DEI, quàm Cæsari, quæ Cæsaris,

nihil reputans Scholasticam Lectionem,

sine spirituali,

nullius pretij, sine devotis precibus.

Animasti ad perdiscendas artes,

non absq; studio pietatis.

Docebas sermonis elegantiam ab Eo quærendam,

qui præ Filijs hominum speciosus,



Floridum Stylum, à Flore Nazareno,  
ligatum, à funibus Ejus,  
cæsuras, à cæso corpore.

Commendabas Logicales spinas,  
non sine spinoso CHRISTI ferto.

Jungebas Arbores Prædicamentorum ligno Crucis,  
effectus scrutando, in primam eorum ferebaris Causam,  
tam profanâ, quàm sacrâ valuisti oratione,  
dubium tamen: à qua commendabilior extitisti.

Addidit Tibi alas boni publici amor,  
quibus jam Grodnam, jam Polonos Parisios,  
pro generalibus Comitijis volâsti;  
Nuntium egisti, sed Mercurium,  
qualem elegans depinxit svada,  
Commisssa negotia suû, non sortiri non poterât eventû,  
Tuâ interveniente solerti diligentia.  
nulla occasio ea morari valuit,  
Tuâ pertinaci sollicitudine incitante.

In Legatione Grodnensi,  
orsus est Tuus fidissimus Achates aliâ in Cælû legationẽ,  
*Clarissimus olim & Excellentissimus Dominus,*

D. M. GEORGIUS GREGORIUS  
**KOSTOWSKI,**  
Philosophiæ Doctor, Matheseos Professor,  
Collega Minor, &c.

Cui præter quod dimidium animæ fuisti,  
mediam partitus fuisses vitam,  
si aliter bonum Universitatis animari non posset.  
Enituit hoc desiderium ad Vesuvium gliscentem

**Collegium Juridicum,**  
& cùm proximus arderet Ucalegon,  
adfuisti solamen mærenti emeritissimo Patri,  
*Perillustri olim & Reverendissimo Domino,*

D.



D. M. A N D R E Æ  
K R U P E C K I,

Juris Vtriusq; Doctori & Professori,  
Canonico Cathedrali Cracoviensi, &c.

tantaq; certasti pietate erga Illum,  
quãtâ Æneas, in Æthnam abeunte Troja, erga Anchisen.

Dedicat alienô exemplô Te æstimare  
nimirum,

*Perillustris olim & Admodum Reverendi Domini,*

D. M. M A R T I N I  
O S L I N S K I,

S. Theologiæ Doctoris & Professoris.  
Collegæ Majoris, Ecclesiarum; Collegiata-  
rum S. ANNÆ Decani, &c.

qui omnem suum censum, qui Ei de prædio laboris pendebatur,  
censuit Tuïs innocuis committere manibus.

& si Pythagoræ vigeret adusq; Metempsychosis,  
in Te post fata commigrasset,

quanquam & sine hac vivit in Tuo corde superstes.

Temporibus veterum Sophorum si in vivis mansisses,  
in Te summum collocassent bonum,

sicq; minus peccassent,

dum ut tantum Primatibus Orbis Literarij notus,  
illico à singulis amatus.

Nec est cui displiceres,

Unicuiq; dando arrham amoris sistis Te aram,  
in qua Tibi corda victimantur humana.

Iam meritâ stratâ ad Collegium Majus venisti viâ.

Vicisti dexteritate animos Patrum,

hic triumphandum est.

Sed nondum triumphasti Academicos labores,

qui, quò plures vincuntur, eò plures insultant.



immanis hydra sunt, quibus si unum amputaveris Caput,  
longè plura repululant.

Herculeo hîc utendum robore,  
sed tamen cum tempore vincendum,  
qui nonnisi cum vita finiuntur, ipsi immortales victuri.

In Majori Domo, non minoribûs respersus sudoribûs.

*Natura enim statutum est,*

*ut novus honor novum onus trahat,*

*Et tantum accedat curis, quantum accrescit Dignitati.*

Decanalis Murex gaudebat in exantlatis videri humeris,

& non tam Tyriô superbivit ostrô,

quàm ex mari jam eruditionis, jam sudoris conquistis cymeliis.

Annotâsti labores & diligentias,

sed Tuæ in primo reponendæ prædicamento.

Imperabas feliciter exemplô,

optima Tua actio fuit malorum censura, proborum doctrina.

In edito equidem positus,

Omnium in Te oculos collegisti,

et dum luce Majestatis afflabas,

obtutus simulq; animos ad Tui normam inflectebas.

Non ignotam rerum cognitionem alijs communicâsti,

Bene sciens, *minus eum videre, qui sibi solus lucet.*

Aristotelico-Thomisticam tradendo Philosophiam,

publicum de Te fecisti sensum,

quòd utriusq; exhaustisti sapientiam,

quantus dicendus, qui duo Miracula còégisti in unum,

Cursum non cursim percurrento,

suspensô hoc est præmeditato ingenij motu gradiens,

gravitatem mentis in explicando servâsti,

quia levis esse nesciens.

Finem sine medio, nec medium sine fine attigisti,

ut pote sapientissimum Agens :

mutuam horum dependentiam confirmâsti,

quam natura continuò probat.

Extraditas Conclusiones Luci publicæ dedisti,

quas non decuit latere,

inconcussa dogmata effecisti,

Tua solida resolutione.

Quis



Quis sub tanto Chirone non evasit Achilles;  
quoscunq; nactus es Discipulos dimisisti Magistro s.  
Inculabat Auditor horas, quòd tam citò præterlabantur.

Gangetico pulvere mensurandam censebat,  
quâ Te ex Cathedra Philosophum auscultabat,  
moratus fuisset cum Iosue Solem, si licuisset.

optabat suæ curæ horologia committi,  
quæ pro suo arbitrio rotaret.

Veloces tempori alas velut papilioni amburere conatus,  
ut testudineo graderetur passu.

Ivisti in Sacras exedras Divinus Præco,  
nec adusq; in vitia hominum detonare cessas Pericles,  
evincis virtuti honorem, & sceleri fulminibûs  
verborum incutis timorem,

minarum horrorem ita confundis deliciis,  
ut magis à Te argui, quàm laudari à cæteris peroptemus.

Inter trinæ Vavelli Coronæ Vniones gemmas es locutus,  
eò præstantiores:

quòd aureis infererentur mentibus.

valorem ex Te ipso habebant,

quibus à pondere rationum crescebat.

**Pòëta, Orator, Philosophus, Theologus,**

felix ingenium, quod tanta munera conjunxit.

Unq homo es, & quis tot homines extitisse non miratur,

solus hæc omnia tenes,

& singula Te sibi vindicant totum,

absq; præjudicio alterutrius.

Pudeat dixisse quendam,

non omnia possumus omnes:

probet Ciceronem solutò Stylò suam sculpisse famam,

Maronem ligatò os populi pro libitù tenuisse,

Principem Philosophorum solis eruditis vectū circulis;

nos Te unum vix nominamus,

hæsit ei vox faucibus intentusq; os tenet,

nec ampliùs inductione uti audet.

Nosti bene pretium Summæ Theologicæ,

Thomisticus Titan non Tibi ecclipsatur,

E

Agni



Aquaticum æquor totum exhaustisti,  
nihilominus ad sobrietatem sapias,  
omnia cum scias, hoc unum nescis,  
ut Te aliquid scire cognoscas.

Stetisti primus in meta,  
in Concursu de Beneficio Zarnovecensi,  
illud in bravium comprehendendo,  
Non pænuit reliquos stadiodromos conatûs,  
quibus, qualiter sit currendum, exemplum fuisti.  
Non cessit Tibi sorte quadam MATHIÆ,  
quod Cælo disponente in sponsam accepisti,  
Cui apertis pro Te peroravit rimis.

Annuere Superi votis,  
cum hunc pro Sponso habet,  
quô melior esse non posset,  
Filiam in Lany non sinis esse sine dote,  
dum tam hanc, quàm Matrem totis ferme,  
redditibus locupletas.

Accendis Prometheus igne Cælesti fidelium corda,  
repidam devotionem ardentem efficis,  
Ipse zelô Honoris exestuans Divini,  
hos, in quibus non est salus, maximè urendo.  
In locum Synodalis Examinatoris constitutus,  
hos approbas, quos nemo reprobareret,  
tacendo & quæris, & Tuô factô respondes,  
qui proventus, pro ornatu Sponsæ CHRISTI debentur.

Alias dum ventilas materias,  
Tu cunctis prima laudis ades.  
Profecit sub Te Scholastico Collegiata Cureloviensis,  
scit se Tua de munificentia apparatu ornatam,  
nec poterit unquam oblivisci,  
dum Tuam beneficam manum rememorativâ habet.  
His ergo gradibus ascendisti Theologicum pulpitum,  
sed in humiliorem descendisti sensum,  
Phæbi genium induens,  
qui in meridie minor, quàm in ortu spectatur,

Cursum



Cursum S. Theol: Speculativum,  
posthac Sacramentalem percurristi,  
sed magna in animo Auditoris reliquisti vestigia,  
quibus insistendo à via non aberrant salutis.  
Controversum jam à tribus annis emetiris,  
sed non sine victore passu,  
tela A catholicorum vel infringis, vel in ipsos retorques.  
Lumen Fidei dum cum eorum tenebris confers,  
etiam Tuum naturæ quantum sit, apparet,  
ad quod nocturne aut talpæ fiunt.

Non sunt sub rosa,

ROSEO Nomini,

Celsissimi Principis,

Illustrissimi & Reverendissimi Domini,

**D. CHRISTOPHORI**

in SLUPOW

**SZEMBEEK,**

DEI & Apostolicæ Sedis gratiâ,

Episcopi Varmiensis, Ducisq; Sambienſis,  
dedicata Sacramenta,

quæ utrum Tibi novam produxerint gratiam,  
vel augmentum præexistentis  
dubium à Te ipso solubile:

apud nos est problema,

uti non ignorantes Te de omnibus extradidisse Theses,  
quorum aliâ productiva, alia augmentativa sunt.

Hoc tamen tanquàm certum supponimus,  
quòd septem ostijs gratitudinis hic Sarmaticus Nilus in Te fluit.

Librum Conclusionum Philosophicarum,

**Szaniaviano Agno,**



Illustrissimi & Reverendissimi Domini,  
**D. JOANNIS FELICIS**

in SZANIAWY

**SZANIAWSKI,**

DEI & Apostolicæ Sedis gratiâ,  
**Episcopi Chelmenfis,**  
Coadjutoris Archi-Episcopatus Metropoli-  
tani Leopoliensis, &c.

quem in præsentia Hospitum solvere dignus eras,  
hunc in Bibliotheca pectoris recondit.

In eruditis Jagellonicæ Palladis, quid valeas Castris,  
jam lunaribus, jam publicis velitationibus ostendisti:  
in alienis eandem multoties monstrasti dexteritatem;

longè meliori fortunâ,

quàm Antonius, vel Julius;

qui alibi victores, in Ægypto lenociniis victi,

Heroicus Alexandri animus Patriâ capi nequibat,

Bactris parvus imo nullus fuit.

**Munus Procuratoris Generalis Universitatis,**  
**& Capituli S. FLORIANI acceptasti,**

sed non sine munere deposuisti,

quibus quanto emolumento fueris,

jam per totum Capitulum & Universitatem conclusum;

quæstionem si quis suscitât,

cummunis fama sine controversia dicet,

maximo.

Animâ rerû (ordinē intelligo) ubi fuit mortua, suscitasti,  
si vixit, ad nobiliorem elevasti vitam.

**Verè dicendus Procurator,**

cui sollicitæ nomen dedere curæ.

**Industriam in plurimis instrumentum appellasti,**

re



re ipsa probasti,  
Dum vix non extra Objectū virtutis humanæ ferebatur,  
pulcherrimam prænominationem fecisti,  
ut quoties optimus nominatur,  
Tu intelligaris.

Debet Tibi multum Præses Literarum,  
Cujus Cultoribus stipendia (Borcanas intelligo] pendi solita  
jam planè sepulta resuscitasti.  
animasti studentium mentes hac cote  
ut Tuæ studerent gloriæ,  
studebunt,

eruntq; Marones dum Tu graciosus non desis Mecænas,  
Levant suis de cineribus Capita pijssimi Fundatores.

& si velis attendere quantas agunt gratias  
dum Tua solitudine sua intenta sortiantur finem,  
admittunt Te in Confundatorem  
non ignorantes,

quod non magis est quærere, quàm parta tueri.  
Asylum eruditarum mentium Bibliothecam Collegij Majoris  
cum sua immunitate conservas,  
mutos Magistros loqui facis,  
in meliorem redigendo ordinem.

Hinc quantus in Te Literarum amor vigeat,  
postera mirabitur ætas.

Abit in coronamentum Tuum,  
qui Tuæ quondam accessit disciplinæ,  
*PERILLVSTRIS & REVERENDISSIMVS DOMINVS*  
**D. M. HYACINTHVS**

**LOPACKI,**

Phil: Medicinæ & S. Theol: DOCTOR  
CANONICUS Cracoviensis,  
Ecclesiæ B. V. Mariæ in Circulo Crac:  
ARCHIPRESBYTER,  
Virtutis Idea, Sacerdotum norma & exemplar.



qui tantum Te DOCTORE profecit,  
quantum ejus ad stuporem eruditio declarat.

Suffecit Platoni unum habuisse Aristotelem,  
Alberto Magno Angelicum Doctorem:

Tibi Sapientissimo Chironi comparem Achillem.

Quid enim prodest multos è Musæo dimittere,  
qui iterum redire deberent,

plures numerare Discipulos, & nullum Doctorem.

Cedit in Tuam Coronam Gemma Doctorum,

Musarum delictum, Sceptrorum decus,

Orbis Literarij prima Motrix Intelligentia

Magnatum magnes,

*PERILLUSTRIS & REVERENDISSIMVS DOMINVS*

**D. M. MARTINUS  
WALESZYNSKI,**

S. Theol. DOCTOR & Professor,

Canonicus Cathedralis Cracoviensis,

Universitatis Cracov: Procancellarius,

Cui Tua Virtus à tenero ungue nota & æstimata,  
pretium ei defert, quod meretur.

Paterno Te prosequitur affectu

Cui filiali prævivisti.

Theologica Daphnide Tuam circumdat frontem,  
quam prius merita amplissima circumstabant

Et hinc

inferre velis Perillustris Domine Neo-DOCTOR,  
quanta propensione velut agmine facto in Te ruant alij,  
quibus hic antesignanum agit,

quem si quis sequi nollet, totò Cælò erraret.

Librum Viris quadratâs descriptum

Academiam hanc imaginare,

cujus locupletissimum indicem habes

Perillustrem & Reverendissimum Dominum;

intuere Hunc,



& quid in Codice hoc præstantissimo agatur, videbis.  
Auget plausum ex Te Ipso maximum

*Clarissimus Nobilis ac Spectabilis Dominus,*

**D. N I C O L A V S  
ZIETKIEWICZ,**

In Alma Universitate Crac: Phil: Doctor,  
Consul Urbis Metropolitanæ Russiæ Leopoli:

FRATER Tuus Germanus,

Vir omni probitate hōc ipso major,  
quod minor videri cupit.

Plurima laude digna facit,

Consiliō tamen CHRISTI, servum se inutilem putat.

Agit extra Delphos in arduis Tripodem,  
consiliō potens,

veriora Delio augure pandit Metropoli responsa.

Gemini estis nobilioris Leda Tyndaridæ,

certare pares & respondere parati.

Splendetis luce propria in diverso horizonte semper iidem,  
eclipsim pati nequaquam potestis,  
quia nunquam Vobis oppositi.

Theologicā nihilominus circumdari debes Coronā

**Perillustri Domine Neo-DOCTOR,**

Quæ Tuum Sapientiæ ambit fulgorem.

Hæ ergo sunt Præmissæ

**T H E O L O G I C I H O N O R I S**

nudè sunt positæ,

quas natura non sinit esse ornatas,

probari non indigent,

quanquam ex Tuis laudabilibus factis media forent;

cum prima principia sint,

ex ipsis terminis clara.

**evidentiam habent ex Quæstione de FIDE.**

quam ita promptâ decidisti memoriā  
ut non unus in admirationem raperetur,



dumq; hoc extra refertur,  
non statim fidem meretur.

Habent claritatem

à Visione Beatifica,

quam ab obscuritate oppositorum argumentorum  
in conspectu Magnorum Hospitum vindicasti;

Ex his itaq; Præmissis fuit Tibi directè

**CONCLUSIO THEOLOGICVS**

**H O N O R,**

quem nolis velis acceptare teneris.

Velle & nolle non est amplius in Tua potestate,

Homo esse desinis, quia liber.

Liberum quidem erat

esse sapientem, virtuosum & emeritum,

sed quia honesta non agere non potes,

cede juri Tuo,

**Theologico illud cede Honori,**

sux originis memor,

simile Divino exercebit dominium,

effectum se Tuæ sapientiæ & meritorum noscet,

Te principium radicale admittet:

sapientiam & Merita, proximum;

utrumq; Causam totalem;

quæ dum in duas Præmissas abit;

se Conclusionem ex illis fatetur

illatam.



*J. xxii. ib. B.*







